

[0273]

24. *draije*

O II 123.7 'toe der *draija*' is fan Sipma net as toponym biskôge. Dit is yndied in grinsgefal, mei't it appellativum *draie* noch mei it lidwurd apart brûkt wurdt. Wy ha hjir in formaesje lykas by 'toe der Bregga' (= Wobbinge bregge) yn O II 29.45, dat wol as plakoantsjutting yn it register opnommen is. Plaknammen as ter Bant, ter Herne, ter Kaple, ter Klokke, ter Lân, Lôn, ter Ola, ter Slûs, ter Sted, ter Tille, ter Tingela, ter Wispel binne op deselde wize ûntstien. Wy soene 'toe der *Draija*' leaver wol mei haedletter en ek yn it register ha wolle. Sn. Recesb. nû. 950.1 hat in 'Janka ter *Draye*', Register fan Oanbring II, s. 143 neamt in 'saete ter *Draije*' en fierders gauris de '*Draie* wal', in '*Draie* fêr' en in '*Draie* sloet': ek '*Draisterland*' en '*Draister* meer', allegearre yn Wymbritserdiel.

*M. Oosterhout.*